

## **BASES REGULADORAS E CONVOCATORIA DO 8º CONCURSO DE MAIOS DO CONCELLO DE ARTEIXO 2023:**

1ª) Poderán tomar parte todas as persoas (físicas ou xurídicas) que previamente entreguen a súa inscrición por sede electrónica (<https://sede.arteixo.org/sxc/es/>) ou no SM de Cultura, antes das 14:00 h do día 19 de maio de 2023.

2ª) Establécense dúas modalidades:

- **Maio Tradicional:** é aquel que representa pirámides, conos ou cruceiros. As súas medidas deben oscilar entre 1.5 e 2.00 metros de altura para situarse, se é necesario, sobre unha base que facilitará o Concello de 2x3 m de máximo.  
Os materiais empregados deberán ser naturais, tradicionais e típicos de Galicia: madeira, sacos de esparto, musgo, xestas, uces, carqueixas, carrabouxos, flores silvestres, froitas...
- **Maio Artístico:** é o que recrea escenas cotiás, monumentos, obras de arte ou a representación libre dos maios, podendo utilizar calquera tipo de material. As súas medidas deben oscilar entre 1.5 e 2.00 metros de altura para situar, se é necesario sobre unha base que facilitará o Concello de 2x3 m máximo. As construcións que se presenten ao concurso deberán ter un nome e ser realizadas integramente para a ocasión e non poden conter nada que identifique ao autor/a concursante.

3ª) O Concello designará un xurado cualificador cuxa decisión será inapelable, estando presidido pola concelleira de cultura ou persoa en quen delegue e constituído por 2 membros do eido asociativo e/ou do ámbito da xestión cultural e 1 secretaria/o, con voz e sen voto, que levantará acta.

4ª) O xurado valorará os mellores Maios outorgando os seguintes premios, que non poderán ser acumulativos:

-Premio Maio Tradicional: 400€

-Premio Maio Artístico: 400€

-Premio especial para centros educativos: 400€

5ª) Ademais, esta concellaría concederá ata 10 accésits de 100,00 € logo da comprobación e estudo por parte do xurado competente de que o maio está debidamente elaborado.

6ª) O xurado deliberará e emitirá o seu ditame ao finalizar a revisión e comprobación dos maios presentados ao concurso exhibidos no lugar determinado pola Organización, para o que terá en conta a singularidade do maio, a orixinalidade da idea recreada, os materiais de elaboración, a construción artesanal xunto coa súa complexidade e acabados e a concordancia coa temática designada. O xurado poderá declarar deserto calquera dos premios e o seu importe poderao destinar a outra modalidade en calidade de premio especial. A súa resolución será inapelable.

7ª) Cada criterio de valoración será puntuado do seguinte xeito: 0 puntos: carece; 1 punto: malo; 2 puntos: regular e 3 puntos: bo. A suma total de cada criterio e da totalidade dos membros do xurado establecerá a orde dos premios. No caso de empate decidirá a presidencia do xurado.

8ª) Os Maios deberán chegar ao lugar de colocación (Avenida do Balneario) ao redor das 9:00 horas do sábado 27 de maio e iranse situando no lugar que a organización lles indique. Deberán permanecer no mesmo sitio ata que o Concello o decida.

9ª) A entrega de premios terá lugar as 13:00 h na Praza do Balneario.

10ª) O número de Maios non poderá exceder de 22, polo que serán admitidos por rigorosa orde de inscrición, limitando a participación nos centros de ensino a 1 maio por etapa educativa e centro (EI, EP, ESO, Bacharelato, ciclo medio e ciclo superior de ensinanza profesional).

11ª) As inscricións deberán enviarse ao SM de Cultura e Festas (Centro Cívico Cultural. Paseo Fluvial s/n) dentro do prazo establecido.

12ª) Finalizado dito concurso, todos os Maios pasarán a ser propiedade do Concello.

13ª) A participación neste concurso leva implícita a aceptación das presentes bases. As cuestións de dúbida, interpretación ou imprevistos que xurdan no seu desenvolvemento serán resoltas pola Concellaría de Cultura.

### FICHA INSCRICIÓN CONCURSO DE MAIOS 2023 DO CONCELLO DE ARTEIXO

Don/dona:	DNI		
No seu nome ou en representación de:			
CIF			
Indicar ciclo (só no caso de centros educativos):	<input type="checkbox"/> Educación Infantil <input type="checkbox"/> Educación Primaria <input type="checkbox"/> Educación Secundaria <input type="checkbox"/> Bacharelato <input type="checkbox"/> Ciclo Medio de FP <input type="checkbox"/> Ciclo Superior de FP		
Enderezo:			
R/	Nº	Andar	Letra
CP:			
Localidade:	Provincia:		
Tel. Móbil:	Tel. Fixo:		
e-mail:			

## SOLICITA:

Participar no concurso dos Maios 2023 nas modalidades de:

Maio tradicional                      NOME DO MAIO \_\_\_\_\_

Maio artístico                              NOME DO MAIO \_\_\_\_\_

En caso estritamente necesario e se é posible, que se recolla no seguinte enderezo:

\_\_\_\_\_

Día: \_\_\_\_\_ hora: \_\_\_\_\_

persoa de contacto: \_\_\_\_\_

Calquera outro aspecto salientable da recollida:

\_\_\_\_\_  
\_\_\_\_\_  
\_\_\_\_\_

De conformidade co disposto nas bases reguladoras do 8º Concurso de Maios do Concello de Arteixo **DECLARO** baixo a miña responsabilidade:

1. Que a persoa asinante e/ou a asociación que representa, as/os administradores e representantes, reúnen todos os requisitos previstos nas Bases reguladoras e non se atopan incursos en ningunha das prohibicións para obter a condición de beneficiario do premio establecidas no artigo 13 da Lei 38/2003, de 17 de novembro, xeral de subvencións.
2. Se atopa ao corrente do cumprimento das obrigas tributarias, coa Seguridade Social e co Concello de Arteixo.
3. Que cumpre e acepta o estipulado nas bases deste concurso, especialmente a que establece o **lugar** de colocación do maio (avenida do Balneario), a **hora** (9:00 h), o **día** (sábado 27 de maio) e as **instrucións que dite a organización** sobre o lugar exacto de colocación e recollida no recinto.

Arteixo, \_\_\_\_\_, de \_\_\_\_\_ de 2023

\_\_\_\_\_

(sinatura)

Nome, apelidos, DNI da persoa asinante e selo da entidade (se procede)